

RESONES

Sas resones
de sa poesia
s'inzendran
da-e sa peraula
chi su viver
offerit liera
che unu sinnu
imberghidu
in sa fide
e in s'omine
cuntieradu
da-e sos sentidos.

In sa zente
in sa terra
hat raighina
sa resone
de sa 'oghe mia
chi cheret carpire
e arbattare orizzontes
ue poder che mere
illacanare pasidu
su misteriu infinidu
de s'anima
pro accrarare
sa majia 'e sonos
chi su tempus
imbentat
cun su coro.

Est gridu 'e totus
sa resone 'e su cantu
cumpridu pro isfida
in su Cantaru 'e Othieri
in sas biddas de Costera
in sas carrelas de Santupredu.

Est gridu 'e totus
sa conchista 'e su limbazu.

RAGIONI

*Le ragioni / della poesia / hanno origine / dalla parola / che il vivere / offre pura
/ come un segno / attinto / nella fede / e nell'uomo / combattuto / dai sentimenti.*

*Nella gente / nella terra / ha radice / la ragione / della mia voce / che vuole
penetrare / e dissodare orizzonti / dove poter da padrone / sconfinare quieto / il
mistero infinito / dell'anima / per rivelare / la magia di suoni / che il tempo /
inventa / con il cuore.*

*È grido di tutti / la ragione del canto / maturato per sfida / nelle piazze di Ozieri
/ nei paesi del Goceano / nelle antiche vie di Nuoro/*

È grido di tutti / la conquista della lingua.